

Headline	Khidmat masyarakat Taha@U erat hubungan		
MediaTitle	Berita Harian		
Date	21 Nov 2013	Color	Full Color
Section	Supplement	Circulation	192,982
Page No	V8,9	Readership	1,521,000
Language	Malay	ArticleSize	836 cm ²
Journalist	Diyannah Anuar	AdValue	RM 28,303
Frequency	Daily	PR Value	RM 84,910



Peserta membersihkan lantai Masjid al-Ihsan, Kampung Darat pada program khidmat masyarakat Taha@U.

Khidmat masyarakat Taha@U erat hubungan

Oleh Diyanah Anuar
diyanah@bh.com.my

► Padang Besar

Pembabituan penuntut universiti dalam program khidmat masyarakat bukan saja membolehkan mereka membantu masyarakat tapi turut mempertingkatkan kemahiran golongan ini berkomunikasi dengan orang ramai.

Kemahiran berkomunikasi ini dapat membantu mereka menghadapi dunia pekerjaan selepas tamat pengajian nanti, khususnya bagi mereka yang mungkin bekerja dalam bidang yang memerlukan interaksi dengan pelanggan dan sebagainya.

Faktor itu jugalah yang mendorong 66 penuntut Universiti Teknologi MARA (UiTM) Perlis yang juga ahli Kelab Taha@U untuk melakukan program khidmat masyarakat dengan bergotong-royong membersihkan kawasan Masjid al-Ihsan, Kampung Darat, di sini, baru-baru ini.

Majlis pelancaran pro-

gram anjuran bersama Tabung Haji (TH) Perlis dan akhbar BH itu disempurnakan Ahli Dewan Undangan Negeri (Adun) Berseri, Datuk Mat Rawi Kassim dan turut dihadiri Timbalan Pengarah TH Perlis, Ahmad Hapizudin Abas.

Manfaat pengalaman
Ahmad Hapizudin berkata, sehingga kini, terdapat 9,045 pelajar yang berdaftar dengan Kelab Taha@U di Perlis.

"Tahun depan kami menasarkira kira-kira 3,000 lagi penuntut akan mendaftar dan menikmati pelbagai kelebihan seperti diskaun pembelian buku, peluang menyertai seminar dan juga aktiviti

berfaedah seperti program kemasyarakatan yang diadakan hari ini.

"Kita berharap penuntut akan menggunakan pengalaman yang diperolehi menerusi aktiviti hari ini untuk terus memberi sumbangan kepada masyarakat apabila meninggalkan alam pengajian nanti," kata beliau.

Bagi pelajar Ijazah Sarjana Muda Kewangan di UiTM Perlis, Nur Hamizah Salleh, 21, beliau melihat program khidmat masyarakat menerusi Kelab Taha@U yang disertai ini sebagai ruang untuk mengeratkan hubungan sesama penuntut serta hubungan dengan masyarakat.



Peserta menyusun al-Quran dan majalah di Masjid al-Ihsan.



Aktiviti menyeronokkan
Katanya, aktiviti bergotong-royong beramal-ramai amat menyeronokkan dan kesempatan menyumbang tenaga untuk memperindah masjid itu memberi kepuasan tersendiri.

"Kalau boleh, saya ingin terus aktif dengan kerja amal seperti ini walaupun sudah bekerja nanti," kata Nur Hamizah.

Seorang lagi pelajar jurusan Kewangan UiTM Perlis, Amirul

Fahmi Isomuddin, 21, berkata pendedahan dari segi berkomunikasi dengan masyarakat menerusi program itu begitu bermanfaat untuk pelajar bidang kewangan sepertinya.

"Berkhidmat dalam sektor kewangan tidak hanya memerlukan seseorang itu bertugas di pejabat semata-mata tetapi memerlukan mereka keluar dan bertemu orang ramai jika kita terlibat dengan sesuatu projek atau pemasaran produk.

"Oleh itu, program sebegini boleh menjadi ruang yang baik untuk kami menasah kemahiran komunikasi dan mendekati orang ramai," katanya.

FAKTA NOMBOR

66
orang

penuntut UiTM Perlis ahli Kelab Taha@U terlibat dalam program kemasyarakatan di Masjid al-Ihsan, Kampung Darat